

佛說巨力長者所問大乘經卷上 士六

西天同譯經寶法大師賜紫沙門巨誓律師等奉詔譯

如是我聞一時世尊在舍衛國祇陀園林給  
孤獨舍與大比丘衆千二百五十人俱皆是  
阿羅漢一切漏盡離煩惱縛心善解脫慧善  
解脫如大龍王神用變化諸所應作無所未

士六

乙

辦除去重擔速得已利心智解脫諸法自在  
善能修習到彼岸行復有尊者阿難多聞利  
根而為上首復有五百菩薩摩訶薩得諸陀  
羅尼住三摩地俱在衆中

尔時舍衛大城有一長者名曰巨力色相具  
足名稱遠聞而是長者其家巨富多諸金銀

瑠璃瓊瑤瑪瑙珊瑚琥珀大摩尼珠奇妙珍  
寶種種庫藏悉皆盈溢資財五穀不可算數  
一切受用珍玩之具隨意滿足凡欲所須亦  
無闕乏出入息利周徧他國無處不有其諸  
驅役奴婢僕從執作吏人象馬車乘亦復衆  
多於是長者所居之地壯麗嚴雅重門樓閣

堂房舍宇雜寶間飾光明日照園苑池沼奇  
異花果盡集其中種種莊嚴餘無可比娉女  
妓樂悉皆上妙唯除王者餘無所及長者於  
中極受娛樂晝夜六時曾無有間於是長者  
復有五百長者以為弼輔主執珍寶守持庫  
藏資生之具尔時巨力色忽於一時善根成

熟心生覺悟即自念言浮世匪堅如夢所見  
一切色相終歸磨滅而此身者躰性本空亦  
復敗壞五欲樂因增生苦果群盲迷倒無解  
脫時即於是時呼諸長者皆來集坐告彼衆  
人皆應寂靜各各諦聽一切諸法緣聚而生  
緣散而滅體性非實終歸敗壞衆生妄念起

諸分別執有我身及我眷屬不知無常刹那  
生滅錢財屋宅翻成他有愚癡自大造五趣  
因結業既成受諸異報惡道易往善趣難生  
汝等當知人身難得今更若能於刹那頃發  
生正念斯謂為難汝諸長者還能知彼諸佛  
如來出興世間難得值遇既生佛國信心不

退此亦為難於佛正教起信向心厭離世俗  
出家為難雖復出家能修比丘清淨梵行息  
除惡緣而是為難晝夜精勤習諸禪那遠離  
散亂亦復為難若性聰惠善能分別諸法真  
偽此則為難今得為人復遇善王息諸闢諍  
住安樂地亦甚為難若諸眾生修諸功德生

夫

二

如來國心常堅固是亦為難又諸眾生能以  
方便善巧語言種種勸誘諸善知識營修福  
業往詣佛所親近供養是則為難若有眾生  
遠離貧窮鮮薄愚癡多諸福慧生佛國土於  
眾人中能作種種莊嚴佛事此則為難若有  
眾生於聲聞乘精進禁戒欲求解脫於辟支

佛乘欲求解脫於無上乘欲求解脫真實為  
難尔時巨力長者說是三乘及諸事已謂眾  
人言如我所說應生覺悟了達色相不得堅  
固是時坐中五百長者聞說是事如昏醉人  
殊無醒覺于時眾中有一長者從坐而起白  
巨力長者言我等今者咸皆有疑云何名為

聲聞緣覺及無上乘云何世間所有色相五  
欲樂具體性不堅剎那生滅重為我等分別  
解說願樂欲聞尔時巨力長者語彼長者及  
眾人言今此舍衛大城於祇陀林給孤精舍  
有佛世尊三明六通具八解脫十力四無所  
畏十八不共功德具足名一切智號天人師

在彼集會為眾說法決眾疑網我與汝等可  
共俱往親近供養請問如來如是妙法時五  
百長者聞如是說各各歡喜踴躍無量持妙  
香花種種珍寶從巨力長者俱詣佛所右遠  
三匝頂礼佛足恭敬供養歌詠讚嘆退坐一  
面尔時世尊觀彼長者等善根成熟堪受勝

十六

三

應

法告巨力長者并五百長者言汝等何因而  
來至此尔時眾中有一長者從坐而起偏袒  
右肩右膝著地合掌恭敬讚嘆世尊而作是  
言我等先聞巨力長者方便教示世間色相  
五欲樂具性不堅實會歸磨滅乃至廣說今  
此人身甚為難得若復能於一剎那頃發生

正念斷邪妄心斯亦為難諸佛如來出興世間值遇亦難既生佛國須具信心斯亦為難於佛正教起信向心狀離世俗忻求出家此亦為難雖復出家能修比丘清淨梵行息諸惡緣是則為難晝夜精勤習諸禪那遠離散乱亦復為難若性聰慧善能分別諸法真偽

此則為難今得為人復遇善王息諸闍諍住安樂地亦甚為難若諸眾生修諸功德生如來國是亦為難又諸眾生能以方便善巧語言種種勸誘諸善知識營修福業往詣佛所親近供養是則為難若有眾生多諸福惠生佛國土能作種種莊嚴佛事此則為難若有

眾生於聲聞乘辟支佛乘及無上乘欲求解脫真實為難是時巨力長者為我等輩說世間法乃至三乘及諸難事我等雖聞皆不曉悟各各願樂親近如來應正等覺有大神通具一切智惟願慈悲廣為我等開示演說三乘妙法及諸難事世間人身色相五欲虛幻

不實終歸磨滅令諸聞者悟生滅相究竟修行菩薩聖道皆得發生阿耨多羅三藐三菩提心尔時世尊告彼長者等言善哉善哉諸善男子汝等善能請問如來三乘妙法及諸難事色相幻化五欲不堅汝等諦聽善思念之如來應正等覺出現世間隨眾性說三

乘法方便開示種種譬喻稱彼根宜信解曉悟令各漸證清淨涅槃若有眾生有如來性於無上乘善根成熟聞佛演說阿耨多羅三藐三菩提法心無怯畏愛樂忻求智惠明了精進修學雖遇苦緣冤家逼害堅固不退究竟證於無上菩提若諸眾生於辟支佛乘善

七云

四

根成熟聞佛說於十二因緣流轉還滅順逆觀行諦了無疑深生信解或因世間四時榮謝覺悟無常獨證聖果若諸眾生於聲聞乘善根成熟聞佛說於四聖諦法隨有所解知苦斷集證滅修道四向四果證於無學如是三乘權實頓漸各隨眾生根器大小愛樂修

學遠離生死解脫安樂

尔時巨力長者并五百長者問佛所說咸皆歡喜踴躍無量同聲讚言善哉善哉能仁大士善能演說三乘妙法我等今者願樂欲聞無上大乘甚深法義秘密之行種種言詞方便譬喻令我等輩於阿耨多羅三藐三菩提法而無疑惑深生信解堅固修學終證菩提心無退捨

尔時世尊告巨力長者并諸長者言彼無上乘最勝深法是菩薩摩訶薩大智大悲所行之道非諸聲聞及獨覺人安足處所故凡夫人難信難解汝等當知合掌諦聽善男子若

諸衆生住本性中於無上乘欲求修習當於一切有情起大悲心平等救護愛念攝受如已師長如已父母兒女眷屬親愛憐愍以清淨心設廣大施見裸露者施之衣服見飢渴者施之飲食見貧窮者施以資財見病苦者施以良藥牀敷卧具田園屋宅上妙珍寶花

十六

五

鬘瓔珞末香塗香諸供養具乃至男女眷屬及自身命行於布施為越菩提心無恡惜不由他教性自修習檀波羅密若見衆生不樂佛法不行正道毀訾三乘住於邪見斷絕善根縱貪瞋癡造諸罪業命終當墮那落迦中及諸惡趣受種種苦無有休息而是修行無

上乘者於彼有情起大悲心眷念憐愍不惜身命發大誓願往彼諸趣苦有情所方便語言說種種法化彼有情發菩提心續諸善念默苦報身忻菩薩行令於未來同志修習清淨修行堅固無失亦以資財飲食衣服自身肢躰及親眷屬花鬘瓔珞牀敷卧具末香塗香資生之具了悟色空心無耽著悉能捐捨志樂自求阿耨多羅三藐三菩提法亦復展轉化諸有情同修勝行若有衆生求無上乘心無下劣堅固修習尸波羅蜜有大願力修持淨戒清淨無染非有毀犯於三種戒漸次修學行住坐卧威儀具足調伏三毒密護諸

根魔境現前心速覺悟不生愛樂雖遇惡人及諸冤對勢力逼遣而此行人心住正念設有所犯無愛著心身語意業離過清淨於諸善法遍能習學於諸有情悉皆饒益遠離損害於諸聲聞及辟支佛作無作戒無片捨心乃至世間人天善戒亦能守護若有眾生求

無上乘行忍辱行成就修習羸波羅蜜嗔恚輕微性自柔軟於諸有情多所饒益遇諸冤家呵罵捶打苦言加謗而是行人不生怨怒歡喜任持或遭寒熱貧病困乏諸逼迫事爲趨菩提安受衆苦設有惡人欲相謀害復加凌辱損惱身命而是行人觀諸有情緣生幻

有利那戒謝不見有情唯存空法故不起心還生逆害若有眾生求無上乘爲欲成就毘梨耶波羅蜜勇捍進求菩薩勝法始從發起大菩提心習諸正行雖遇苦緣未嘗退怠煩惱冤賊竟相損害被精進甲禦捍令伏心常勇猛無諸怯畏經歷長時堅固不退若有衆

十六

六

生求無上乘寂靜修學禪那波羅蜜止息散乱正念現前調暢身心速離塵重沉掉障染適悅輕安正智顯現若有眾生求無上乘心自聰慧性能修習般若波羅蜜多智慧明了傳達真偽方便開導善巧分別邪正因果愚癡闇鈍障染輕微若有眾生爲求阿耨多羅

三藐三菩提法心常平等離冤親相不生分別若見衆生行於布施及不布施心無愛惡若見衆生守護淨戒及有毀犯亦無愛惡若見衆生修忍辱行及不忍辱能行精進及不精進修諸禪那無禪那者智慧明了愚癡闇鈍於如是等諸衆生類離分別相皆無愛惡

彼此高下平等所觀謂此諸法本無差別同一法界無別自性摩訶衍最上菩提是諸如來圓滿妙智若有眾生於無上乘起一念信乃至發心求於阿耨多羅三藐三菩提即此是名向如來家住菩薩地  
爾時巨力長者并五百長者等聞佛所說如

是妙法歡喜踴躍得未曾有而白佛言大悲  
世尊善為我等分別演說大乘法要令我等  
輩深生信解愛樂修學若諸眾生為求無上  
最勝大乘不惜身命捐捨舍宅資財寶物及  
諸眷屬飲食衣服牀敷則貝花瓔瓔珞末香  
塗香及以種種諸供養具我等今者皆願學

十六

十七

彼諸菩薩人求無上乘修菩提行不惜身命  
及諸眷屬上妙珍寶資生之具布施供養及  
行菩薩諸波羅蜜惟願如來應正等覺為我  
等輩攝受證知令不忘失今時世尊告巨力  
長者并諸長者言汝等諦聽若有眾生為求  
菩提悲愍有情雖復布施不求富貴雖復持  
戒不求端嚴雖復忍辱不求眷屬雖復精進  
禪定智慧為愍眾生求無上乘不為世間輪  
迴因果若有眾生利根智慧了達世間色身  
五欲生滅幻化但有假名無實體性觀其身  
相如胎濕化假和合成如沫如泡乍生乍滅  
眾生妄念謂得久居復觀此身由如陽焰本

無實躰從渴愛生妄情為水亦如芭蕉體無  
堅實今此身者畢竟是幻從顛倒生虛假浮  
脆亦如曠野空無所有亦如行廁穢污充滿  
一身九竅常流不淨亦如穢井滿中臭惡深  
可厭惡又如冤賊亦如毒蛇甚不可愛五欲  
煩惱由若瀑流漂溺有情入生死海汨沒流  
轉難有出期汝等今者親近如來學菩薩行  
欲離世間五欲塵勞色身敗壞一切不堅求  
於無上最勝大乘漸次修習諸波羅蜜欲證  
解脫甚為難得

佛說巨力長者所問大乘經卷上 士六

佛說巨力長者所問大乘經卷中 士七

西天同譯經三藏寶法大師賜紫沙門目智吉祥等奉詔譯

今時世尊復告巨力長者及諸長者言汝等  
宿植善本信根堅固欲學菩薩摩訶薩所修  
之行伏斷障染求證菩提應當觀彼諸有情  
類從無始來輪迴流轉受苦報身經歷多生

十七

一

胡